

LIOGC NYINC ZIL XAOX XOC KOP BENX

(XIK YONGH)

YIX WENC

BENH JIH SEDP



GUIL ZOUH MIENC CUC CUC BANX SEEL

黔新登字·(90) 04号

责任编辑：杨成星

六年制小学侗文课本（试用）

语 文

第 七 册

贵州省民委民族文字书籍编译组 编

贵州民族出版社出版发行

湖南省芷江县彩色印刷厂印刷

787×1092毫米 1/32 印张：6.125 字数：70千字

1993年10月第1版 1993年10月第1次印刷

印数：10000册

ISBN7-5412-0396-3/G·69（民课）定价：2.00元

MUC LUC

- 1 "Banl gongh sic sup"(1)
- 2 Sanh weil suh wuc(5)
- 3 Leec jaol koh suh qaenp juiv(9)
- 4 * Jiul suh dah geel naih cuc fac.....(16)
- Jih cux xenp lieenl 1(20)
- 5 Menl dih dingv heit.....(22)
- 6 Nuv caoc(27)
- 7 Sangp jaol geeus xingc.....(32)
- △ IL ongl meix pienc gox dah noup map
 (37)
- Jih cux xenp lieenl 2(43)
- 8 Nuic siip nyanl xenp(47)
- 9 * Jul liees(54)
- 10 Liix sic zenh(59)
- △ Liix cangx wangc dah fangc hoc...(65)
- Jih cux xenp lieenl 3(70)

- 11 Gux sih yac meix
 Hadp ugs beec diil cenc (73)
 Jeec jil..... (74)
- 12 Naemx dingh(76)
- 13* Geel heit senl uns(78)
- △ Beds duc lagx meeux(83)
 Jih cux xenp lieenl 4(88)
- 14 Jaov senc kuedp(91)
- 15 Oc daengh leic dac(96)
- 16 Eenl buil meik yanc deel(101)
- 17 Il daov koh jil hoc dongl.....(107)
 Jih cux xenp lieenl 5(113)
- 18 Yil yeenc yac zeec
 Gaic gas juv mags (118)
 Xut guenv gas gov (119)
- 19 Gabl meix koh liix yal.....(122)
- 20* Lol meix uns.....(129)

△ Meix hongh xuit	(134)
Jih cux xenp lieenl 6	(137)
21 Gux sih yac meix	
Naengc naemx dingh luc sanh	(141)
Qamt jenc	(141)
22 Xedl nal	(143)
23* Yaoc eiv yangc muic senl bens	(147)
△ Sih zix daengh lagx nguap	(151)
Jih cux xenp lieenl 7	(157)
24 Xaox senh diic	(161)
25 Geel nyinc	(168)
26* Fangc jil guangh	(174)
△ Zeec renl qic soux	(182)
Jih cux xenp lieenl 8	(187)

NAENG C TUC XOC LEEC

1 "BANL GONGH SIC SUP"

Nyaoh nyinc 1917 xebc nguedx geec mienl dah unv, lis mieengc nyanl lail lail, liec nyenc zangh wenp nyenc ads nyangt, jaemc lebl nyaoh senp biix deec baoc wangp siip bagl baengv lah sis liix huc jah.

Nyaoh aox das meix geel huc jah, lis "banl gongh sic sup" liec nyenc. Semp yanc jangs menl sup. Dees dih jangs biingc nyangt sup. Il jagc guenv meix jangs daengv liec nyenc banl gongh. Mangv lenc guenv meix lis jagc bongc jal, xal jal nal nal diih, gobs xengc il mungx nyenc nunc aox jah. Jav suh jangs sumx liec nyenc. Il

jodx pongc, jibx beengc nyangt pangp pangp. Jav suh jangs "nyenc ads nyangt" weex ongl diih cenc gox. Dav dol pongc nyangt, yac jiuc eec meix xeengk jiuc meix weengc, ul jah jeeuv il jagc daol aov, geel jah songk il jagc suix huc guedp. Jav suh jangs eenl buil lieec nyenc.

Menl guangl yangx. "banl gongh sic sup" langt nyaoh kangp hadp saemp jah. Lieec nyenc aov laoh suiv nyaoh ul guenv meix jah gongh zoc lax. Maoh jaems gaos, yac mangv guemh guaov jimh wenc jieenl jac, biic jeenh nyaoh ul xis jah xap bail xap map. Geel xenp maoh, ul biingc nyangt songk lis mieengc bangh gaox zix xap lail yangx. Egs maoh gueec gail, sac buil naengl udt, oux hadp aox daol gaih xogc

yangx, qingk soh dangl gueengk gueengk.
Lieec nyenc dens sais gongh zoc, geel xenp
menl sil jah ledp lamc lieeux.

Nyaoh jagc zil gueec lail, zil jeenx
danh diih aox "banl gongh sic" naih, lieec
nyenc xap ugs weix dal diih zul zoc « Gueec
jah yix geec mienl », nyix dienl wenp oil
oil wenc jeenl, doiv zix daol woc gueec
geec mienl henx lis legc.

- 1 "Banl gongh sic sup" lieec nyenc nyaoh doiv nup?
Lail lail naengc tuc, angs il angs naenl "banl gongh
sic" naih ul pongc, dees dih, daengv, sumx, eenl
buil jangs yangh duc mangc.
- 2 Lieec nyenc nyaoh naenl "banl gongh sic" jangs nup
yangh qit weex il maenl gongh zoc? Xiuv kop wenc
seik seik naengc tuc, angs angs menv lix nup nyaoh
ul tuc jah nuv lis ugs map. Menv sungp nup nyaoh
ul tuc nuv eis ugs map.
- 3 Nyaoh aox "banl gongh sic" zil gueec lail jah, lieec
nyenc nyimp woc gueec geec mienl weex menv gongh
zoc nup?

4 Cut menl kop wenc wah touk yangx, nyac naengc tuc
naengl xangk touk menl mangc?

5 Dogc dogc xap xap.

eenl buil aox sumx guenv meix

gemh guaov dungl xogx jemc liaemt

2 SANH WEIL SUH WUC

Sanh weil suh wuc mieenge xebc nyinc
unv jangs il doiv dangc yot, xic naih
jangs saop xenh lux xenp jil nyeenl gonx
diih il bul fenp.

Dens dav yanc leec ul xingc xaengp
lis il fuc fap, ul fap dees meix gux songh
jah nunc il duc mic fah luuc. Mangv unv
wap jangs doiv suiv xeenp senp, il jagc
bac xeenh zoc, il jiuc yix zix pangp, ul
xongc jah xaol yangh xic unv, biedl magc
xis nyeenl daengh il meix xigt songk lis
gaenx gaenx gedl gedl. Xongc leec lagx
yot jangs dah yanc bens deic map diih,
paic lieet nyaoh siik wangp. Jagc xongc

xuds dongl bagl jah, xic unv lux xenp
yongh dah. Xic jav lux xenp suh nyaoh
jah dos leec lieenl siih, lis daemh xic,
maoh deic xis xal nyaoh ul menl leec
nyonc《Xih yuc jil》jah wak xangp.

Ul xongc leec lux xenp qiup lis il
naenl siih “saemp” . Siih qiup weengc,
xongs il jagc nugs wenp biol mix eip, yuh
xongs jagc gaos buil douh yangh lail yagc.
Nadl siih “saemp” naih naengl lis il meix
nyonc. Bux lux xenp ids biingh yangx,
lux xenp il mangv dos leec, il mangv bangl
weex ongl yanc, maenl maenl buh yuv
bieeuv bail aox dangl pup daengh yoc
pup. Lis il maenl hadp saemp, lux xenp
qak yot weep yangx, laox xeenp senp sup
jenl wuc, eeus leec renl zenh nyeenc geec,

maoh doiv lux xenp wah: "Siip maenl yuv saemp touk! " lux xenp jangs lagx yagp dos leec, maoh qingk sungp naih, gueec wah sungp mangc, wanp liagc touk ul zol weil bail, suh nyaoh ul jagc xongc leec aov jah, qiup il jagc siih siik siik "saemp" . Maoh deic meix xangk naih lail lail nyenh nyaoh aox longc. Dah xic jav qit, lux xenp qak yoc gueec xongp cic daol dah, naengl xic xic saemp, hangc hangc saemp, jeengx gueec longh soh fenp dul il saemh.

- 1 Seik seik naenge tuc, nganl dah dens dav touk siik wangp diih unv lenc, wah wah aox sanh weil suh wuc jangs yangh mangc.
- 2 Lux xenp qingk sungp sup laox xeenp senp piidt maoh yangx, maoh nup yangh xangk, nup-yangh weex?

Daov naih doiv il saemh maoh lis mangc yenx
xangx?

3 Wah wah jogc sungp mangv dees jangs yil sih
mangc? Lux xenp maenl maenl buh yuv bieceuv bail
aox dangl pup daengh yoc pup. Maoh deic meix
xangk naih lail lail nyenh nyaoh aox longc.

4 Songk soh dos kop wenc.

3 LEEC JAOL KOH SUH QAENP JUIV

Nyinc 1947 nyanl xenp, yanc nganh xaox xoc jiul bonh touk jagc senl uns aox jenc. Nyaoh aox maenl janl dax zangl xic jav, jiul naengl nyabp gaos jeenh cic dos leec.

Xic jav, jiul xoc xic tiaoc jeenl jeenh kox nup yangh. Gueec lis xongc daengv, suh suiv nyaoh dees dih, deic daengv qik xongc; Gueec lis heec banx, suh deic mingl daol nyaoh ul xingc sadt il donc; gueec lis fenx biic, suh deic magx mant qik. Ziil kuenp nanc xingv yic zic gueec lis leec, gobs lis xeeup il kop xoc il kop. Jiul nup yangh xangk lis il benh

yenl lail diih leec jaol koh suh ax!

Lis il maenl jodx maenl lenc, laox sih
jiul zangh zix daol yeenc, kuanp sais doiv
jiul ang. "Lebc xaop il jagc xaoh xic
lail, daol lis leec lax!" qingk naenl xaoh
xic douh sais longc nyenc nail, jiul maengx
biiul jenc map.

"Tongc xic menh xaop wox leec naih
jangs weex nup map? Jangs nyaoh maoc
zux xic guanh faic xap yenl ugs map diih!
Xis yenl leec, jangs dangx zongh yangh
dah aox xis yenl wenc jeenl senx ugs map
diih!"

Nyaoh aox soh tongc xoc heemt gol
jah, yaoc songk soh sint. "Bail ax, lienx
leec bail!"

"Leec naengl nyaoh yenl sac sox

neex !" Zix daol yeenc gol nyoms wah,
"Yenh wil qenc kuangp jaens, yenl sac
sox yuv bonh bail,maenl naih jav xih yuv
lis mungx nyenc nyimp yaoc sic bail deic
leec map. "

"Yaoc bail!" "Yaoc bail!" Tongc xoc
qangx unv ngedl lenc jah xeengl sint.Dah
lenc,jingh laot yaoc nyimp zix daol yeenc
bail yenl sac sox aol leec.

Leec lienx lis yangx,yac jiul il mungx
aemv il baoh, xeengp sais jah qaemt xonv
map. Yac jiul jiut yenv il jangs xonv
gueec touk aox senl,deic leec fat dos tongc
xoc.

Eev nyaoh xic nail, samp jal diic jih
dah wangp dongl bagl bens map, nyaoh
banv menl ul senl gonh bail gonh xonv,

banl soh eis lail qingk. Daih yunv il jal
diic jih wuk caoc mangv jiul bens map,
dingh gaos wuik luh, baenv luh il jagc
zal danl.

“Hoik bobx dih……” Mix gas zix daol
yeenc singt wenp, paemx il soh, zal danl
laengx nyaoh geel xenp jiul beeuv yangx.
Yaoc gobs qingk yac mangv kap jingl
lagv, suh mangc buh gueec wox yangx……
Gas yaoc liop map, wox umh gaos yaoc
doh yangx. Zix daol yeenc bobc nyaoh
doiv egs yaoc gueec yais, il jeengx gueec
neip. Dugs leec jav lail wop yeht gaems
nyaoh dees xenp maoh, doh padt xeengp
yaems yak yangx.

Yaoc bobc touk ul xenp zix daol
yeenc songk soh sint, “Zix daol yeenc, zix